

淮海集

九



淮海後集卷第一詩

秦觀 少游

進南郊慶成詩并表

右臣伏覩皇帝陛下肇修典禮冬日之至親有事於南
郊仍復祖宗故事以皇地祇合祭前期之日陰雲蔽空
將祀之夕月纏畢宿詩云月離于畢俾滂沱矣於法當
雨而是夜開霽特甚晏溫星月昭明禮畢之明日雨雪
乃作朝市郊野相告欣然頌嘆之聲形于中外非二聖
有作上當天心神祇顧享何以逮此臣雖踈賤通籍祕
省預見熙事不勝犬馬區區之情輒將與人之頌撰成
郊禮慶成五言二十韻詩一首隨狀上進于冒宸嚴臣
無任瞻天望聖激切屏營之至

秦觀後集卷一

於赫龍飛後中區八月秋合嚴天地祀遠繼祖宗休熙
事將興舉彝章預講誦紛然曲臺議斷自大任謀宗伯
方承命元龜遂生獻三錢封內帑五瑞輯諸侯駉駉前
齋玉清宮復射牛長迎南至日圓即自然丘扈蹕三千
劔干霄十二樓鈞陳嚴御座太一奉宸遊好雨虛聞華
生陽不待鄒浮雲依斗散華月亘天流宵破贊桐却霜
空曲蓋收堪輿同顧饗河嶽盡懷柔麾日初鳴仗游風
不滿旒回鑿龍入馭傳詔鶴為郵崇慶天難老

不憂衣冠千玉簡宇宙一金甌可但豐年屢當知世德
求慙無班馬手作頌配商周

幽眠

幽眠起常晚冬暑復不長中間數十刻倏如驚燕翔晨
滄粗云畢申鼓鳴相望忽忽竟何就念之動中腸天地
一逆旅死生猶轉商暫來旋云去遲速乃所當或計亦
何補徒然非慨慷不如聽兩行一旣付酒觴北風吹老
槐白日轉紙窻布衾一覺睡身世成渺茫宿莽冬不衰
蘭蕙幽更芳無庸傷局促速此鬢髮霜

越王

越王念吳役寢興常不安有臣曰種彘貫與同難艱終
酬會稽恥列國不敢干智者見未兆愚夫暗前觀范公
拂衣去扁舟五湖間清輝照四海秋月耿雲端種也竟
不悟處之若無難屬鏤一朝至身與名俱殘兔走獵狗
悲鳥盡良弓閑自古身不退多爲世所歎

隕星石

蕭然古丘上有石傳隕星胡爲霄漢間墜地成此精雖
有堅白姿塊然誰汝靈犬眠牛礪角終日蒙羶腥疇昔
同列者到今司賞刑森然事芒角次第羅空青俛仰一
氣中萬化無常經安知風雲曾不復歸青冥

山陽阻淺

一日行一尺十日行一丈豈不歎淹留所幸無波浪悲
風動深夜原野眇林爽青天行蟾蜍枯水轉颺颺此時
蓬茅下去心劇於癢棄置勿復論通塞如反掌

次韻參寥莘老

迅風薄高林萬象號虎豹紛披枳與棘爾復鼓狂鬧我
垣旣已頽我棟又以橈豈無一木枝橫力難與較黎明
忽自罷晴日射魚鱗死水失狂瀾衰木回故貌勞生真
共一作夢事往趨如睡覺炊黍焚黃鶉吾其理歸棹

送洪景之循州參軍

書中本

秦卷後集一

三

列二

寒梅不自重輒花桃李先矯枉有佳菊最後衆芳妍各
因一時美難以相嗤憐物理固若是士林亦宜然夫子
南國俊聲猷推妙年數竒晚方偶參軍古龍川龍川雖
云遠風物號清鮮羅浮不相下頡頏嶮荒天雲鬢二三
子聊足奉周旋行矣試老拳歸歟遠翔騫

茶

茶實嘉木英其香乃天育芳不愧杜蘅清堪揜椒菊上
客集堂葵圓月探奩盞玉鼎注漫流金碾響文竹侵尋
發美鬯猗猗生乳粟經時不銷歇衣袂帶紛郁幸蒙巾
笥藏苦厭龍蘭續願君斤異類使我全芬馥

茶臼

幽人耽茗飲剝木事攬擣巧制令形雅音伴祝控虛
室困亭午松然明鼎窻呼奴碎圓月搔首聞錚鏦茶仙
賴君得睡魔奈爾降所宜玉兔擣不必力士扛願借黃
金碾自比白玉缶彼美制作妙俗物難與雙

石魚

佛宮琢琳瑯懸魚警群聰緩扣集方袍急拊趨百工雖
無筍虞器自協徵與宮犁然當人心邈有炎氏風山泉
自疏數珮玉相玲瓏朝昏間鍾鼓清響傳無窮惟有
寶陀山於音獲圓通一聞如得解石鞞亦投弓

劉公幹

鄴中多賢豪公幹氣飄逸弱歲頗徊徨飄零低金室君
王事邀宴下馬列琴瑟豪吹挾哀彈娛歡非一日當年
侍賡酬珠玉在揮筆五字一何工妙絕冠儔匹所得雖
經寄未得偏人失

贈醫者鄒放

百工皆聖作惟醫有書傳緒餘起人死妙處實通天鄒
子本淮海弱齡如討研岐扁逢卷中遂知百病先往歲
遊京室公侯紛薦延國工不敢妬遣兒求執鞭晚棄本
州役青衫鬢蕭然臨衢開大肆旁午送金幾嗣子頗不

凡文場早周旋期拾青紫善積神所憐

贈張潛道

張生何爲者落魄不自拘獨携三尺琴笑別妻與孥一
來泊吾里忽已月再虛朝遊故人館暮止佛子廬雖無
食羹餘所樂常晏如我欲有所進生聞勿煩紆君子閑
有道不專塊然居無道祇深適鳴戲亦已愚願生脫塵
鞅從我滄海隅

荷花

方塘收雨脚落日半遙岑芙蓉淨娟娟麗服撫翠衾無
言意自遠欲渡秋水深緬懷平生人對此詎可尋弄芳

卷末後集一

五

三

惜晚晚酒至誰與斟天涯有歸雲聊寄相思心心開獲
清賞芙蓉一何綺美人艷新粧斂被照秋水端如蕩子
妻顧自良家子黃金選燕趙搖落對江汀薄暮風雨來
獨立淚如洗望君君詎知傾宮定誰似

酬曾逢原參寥上人見寄山陽作

倦客當老秋於忽少佳意孰云塵滓地劉阮肯俱至
披清骨毛再見失身世有如執盛熱僚月濯涼吹又如
觀巨梓却覘蕭葦細十辰同遨遊不覺日車逝嗟予逃
空虛終日面林翳聞人足音喜况乃道所契方念衣袖
分明月忽我界眷言何以酬白髮同所詣

吳興道中

龜兔華門下十年守一方胡爲御舟者挽我置此傍青
山不肯盡流水故意長雖云道理遠瓦搏有酒漿

無題二首

其一

君子有常度所遭能自如不與死生變豈爲憂患渝西
伯囚演易馬遷罪成書性剛趣和藥淺淺非丈夫

其二

世事如浮雲飄忽不相待欻然化蒼狗俄頃成章蓋達
觀聽兩行昧者乃多態舍旃勿重陸百年等銷壞

香林後集一

六

九

喜雨得城字

陰陽有常職代御不可并一氣或錯繆愆伏相寇兵惟
時四月交南國厭久晴風師挾帝今呼號肆徂征雲師
畏推逐蓄意不敢爭雨師曠厥官所苟朝夕生黃塵暗
如霧掩彼日月明帝眷一昔回旱議沮莫行蚩然靈膏
澤夜半來雨聲黎明縱遐眺溝澮各已盈青秧散廣畝
白水涵孤城耕夫欣有託水鳥飛且鳴乃知化工妙悠
然信難名行矣耘我穡歲終屹坻京

東城被盜得世字

野人無機心觸事少防衛所至輒酣寢屢墮穿窬計孤

耳夜深墨風死雨初霽有盜穴壁來攘取逮余被徵思
不敵怒弱力鼓虛銳起搏且復呼可否誰量勢誰云同
室關函文莫相繼兩奴眠牖旁矯首但睥睨棄之倚柱
休盜亦從此逝慚無牛缺賢幸脫燕人斃云弓豈須求
失馬不必涕黎明成感歎事往若異世良賈號深藏無
閔稱善閉君子勿我誇得喪求無際

夢伯收文公

昨夜夢故人心顏少歡趣自棄有司却言歸山路君
王下明詔群英翕爭赴焦鵬共揮翮跛鼈亦騁步擾擾
天地間飛鳥不知數何意獨蕭條命與時相忤空復蔽
馬牛不爲匠人顧昔爲土中花行待東風煦今爲蒼下
草遠矣霜秋露老母鬢成絲寒妻被無絮歲莫多嚴
風絺綌將焉度覺來不復見撫枕淚如注安得萬頃陂
活此舟中鮒

送佛印

抱包初捨蔚頭藍江月松風處處參他日惠林爲上首
幾年彌勒作同龕真珠撒帳開新座飛鳥銜花繞舊庵
雲散虎溪蓮社友獨依香火思何堪

次韻公關會流觴亭

偷引湖光一派飛觴還却似當時吳歌送酒隨流急

越艷浮花轉曲運山廟早因前守徹冰盤元是故工遺
年年禊飲今非昔不到蘭亭到北池

次韻公關會蓬萊閣

林聲撼撼動秋風共躡丹梯上卧龍路隔西陵三兩水
門臨南鎮一千峯湖吞碧落詩爭發塔湧青冥畫幾
重非是登高能賦客可憐猿鶴自相容

送羅正之兩浙提刑

豈爲鱸魚憶故丘東南昏墊賴良謀一封暮別雲間閣
三組秋歸海上州子政暫爲都水使千秋終作富民侯
贈君一語君應笑競注江河本不流

三

秦卷後集一

八

荆

淮海後集卷第一

淮海後集卷第二詩

秦觀 少游

秋夜病起懷端叔作詩寄之

寢瘵嘗老秋入夜庭軒空天光脆如洗月色清無縫風
颺戾戾輕露氣霏霏重簷花伴徐步籠燭窺孤諷緬惟
情所親佳辰誰與共夫子淮海英材大難為用秉心既
絕俗發語自驚衆塵尾扣球琳筆端攢螭螭雄深迫揚
馬妙麗該沈宋浮沈任朝野魚鳥狎鯤鳳與時具楚越
於我實伯仲爾來居邑鄰頗便書札貢上憑鴻鴈傳下
託鯉魚送二物或愆時已辱移文訟人生無根抵泛若

秦觀後集二

四

凌波封昧者復汲汲晨暝趨一闕陰持令口沙毒射影期
必中自匿嫫母容對客施錦幃溘然一朝逝萬事俱成
夢形骸猶汝辭利勢猶君動息之可太息復之爲長慟
所以古達人脫身事高縱我生尤不敏曾腹常空洞彊
顏入規模垂耳受羈鞅行謀買琴棧名理就折衷但恐
狂接輿煩君更嘲弄

送孫誠之尉北海

吾鄉如覆盂地據揚楚脊環以萬頃湖黏天四無壁
蜿蜒戲神珠正晝飛霹靂共干木無異交靈氣殊鬱積所
以生群材名抱荆山璧小爲百夫防大爲万人敵夫子少

邁倫喑鳴阻金石奏賦明
元宮玉座瞻咫尺翻身隨雲
霄十載迫窮厄焚舟更一叱
取得尉滄海北五月乘書
蕭鼓事遠適天橫齊山青
雨帶楚水黑勿云晚方仕
四十乃古昔勿云名位卑
九一乃自此擊幽求尉朝
邑鬢髮森已白元振尉通
泉律令非所即一朝會風
雲顧眄立四極行矣壯舊
圖勉逸闕文

抱甕

捐捐抱甕人泣乎治其內
仲尼爲所輕子貢無以對
捨器欲還樸爲量固已隘
苟得渾沌真寧羞事機械

讀列子

秦卷後集二

二

四

咄咄兩小兒多言空爾爲
後之日無定不覺心有期
尺挫探蒼溟俱令傍者嗤
誰謂不能決孔丘乃真知

和顯之長老

禪子觀因緣寸晷無復餘
講人治經論艾夜猶未除
冷風奏哀松寒月挂碧虛
此意了不論悲哉同鬢如

清夜

子夜天無雲稀星耿頑碧
茫茫行役者對此焉不息
胡爲蝸角端相與競尋尺
勸君歸去來飛空鳥無跡

南池

汎汎池中鳧上下與水俱
不與水爭力所以全其軀
馮

物貴含垢修身戒明污胡能若雲月浪自驚群愚

和王定國

崢嶸歲月徂物色芥於邑歡言公子至坐失百憂集宵
箔蕙煙橫寒炮玉脂泣勉旃汝南圖荷華行滿際

宿金山

山南山北江水流半空金碧隨雲浮我來仍值風日好
十月未寒如曉秋山僧引客尋蒼翠歷卷參差老到平
地萬里風來拂骨清却憶人間如夢寐夜深無風月入扉
相對老人如槁枝流水與天爭入海共笑此心誰得知
下山却向中灑望番憶當時在屏幃老母思兒且欲歸
回首雲峯已天上

秦卷後集二

三

田

別賈耘老

若有人兮雪之濱服火齊兮冠切雲有才不爲世所掄
盡入詩句爲竒新忘歸繁弱不浪陳發必中的疑有神
目關飛鳥緡蒼鱗俛仰自娛忘賤貧繫我與君素參辰
孰爲一見同天倫共指飛光易沉淪莫若痛飲還我真
況有內子賢文君終日叫呼不怒嗔酒酣往往出前珍
瓦甌竹筯著青芹左列文史右紅裙樽前不覺徂清晨
念我行當西道秦擘舟來別非所欣欲託毫素通殷勤
郢匠旁矚難揮斤人生百齡同臂伸斷梗流萍暫相親

行行飲酒且勿云丈夫萬里猶比鄰

李端叔見寄次韻

君文豪膽無與儔使我吟諷忘離憂浩如沅湘起陽侯
翻星轉日吞數州華章藻句饒風力頃刻朱紅迷畛域
一班縱復爲管窺萬派終難以蠡測區區文墨倦高情
解鞅還游恍惚庭半槽新水六尺簟卧視雲物行空青
伊我籃輿抵京縣溽暑黃埃負初願君家只在御城東
彌月不能三兩見求仙未若醉中具蟻闌蛾飛愁殺人
清都夢斷理歸棹回首一樹瓊枝新歸來草木春風換
世事蝟毛那可筭幸謝故人頻寄書莫笑元郎自呼漫

秦卷後集二

四

田新

陳令舉妙奴詩

西湖水滑多嬌嬌妙奴十二正艾芬芳肌膚皙白髮脚長
含語未發先有香溪上夜燕侍簪裳皎如華月墮滄浪
音聲入雲能斷腸不許北客辭酒漿主人藹藹邦之良
少年射策謁未央俊詞偉氣森開張玉杓貫斗生怒芒
天欲文采老更昌故使斂翻窺群翔五十僅補尚書郎
浩歌騎牛倚倡佯東風戲雨花草狂二溪泱泱垂魚光
如如勿倦侑羽觴主人正欲游醉鄉

自警

古人去後音容寂何處茫茫尋舊迹君看草遍北邙山

骼髓猶來丘壘積如堪此地日黃昏長途萬里傷行客
只知恩愛動傷情山且悟區區頭已白莫嫌天地少舍弘
自是人心多福窄爭名競利走如狂復被利名生怨隙
貪聲慈色鎮如癡歟被聲色迷阡陌休言七十古稀有
最苦如今難半日聞道蓬宮仙子鬧紅塵不染無瑕謫
日月遲遲異短明三歲年秀麗皆仙格女蘿覆石蔓黃花
芝草琅玕知幾尺桃源長占四時春漾漾華池真水碧
乘槎擬欲和金局巨浪紅波依舊舊蘭歸來芳舍與誰儔
老鶴松間三四隻咬天聲動彩雲飛對我時時振長翮
驂鸞未遇且悠悠盡口空書運有適紛華任使投吾前

爭奈此心終匪石拜命後金雞謂榮低頭未免拾言責
從茲俗態兩相忘笑指青山歸路僻同人有志覓長生
運氣休糧徒有益須知下手向無爲莫學迷徒賴針灸
陪李公擇觀金地佛牙

薄伽梵相含空虛化人分段同凡與尔來示滅二千歲
真骨萬里傳中區錢塘有尼號法照得自禁掖藏金鋪
欲因此勝高構閣假設象似開群愚偶從好事至雪上
持出瞻玩相歡娛靈牙寶色玉不如上有無數光明珠
莊嚴一一出御帑蜿蜒繡袋榮碑碣是時賓客盡上士
回向已登十地初殷勤稱讚出軟語坐人顧眄驚俗汚

因悲人生信如夢浪逐聲勢霜鬢頽一源清淨誰復
無枉入諸趣更崎嶇願因今日詣真際古松白日常蕭疎
乃知金山妙難測餘潤普及霑凡此况復老尼亦才辯
朱夢珩石瓦非難圖行看岵嶢倚青嶂翁媪頌說傾三吳

雪浪石

漢庭卿士如雲屯結綬彈冠朝至尊登高履危足在外
神色不變惟伯昏金華掉頭不肯住乞身欲老江南村
天恩許兼兩學士將兵百萬守北門居士疆名曰天元
寤寐山水勞心魂高齋引泉注竒石迅若飛浪來雲根
朔南修好八十載兵法雖妙何足論夜闌看漢人馬靜

秦卷後集二

六

甲午

想見雉堞低金盆報罷五更人吏散坐調一氣白元存

和蔡天啓贈文潛之什

蔡侯飽學困千金濯足清江起南土劇談頗似蒸客豪
快奪茫睢如墜雨東城橋未足論栢直何爲口方乳
蔣侯山中伴香火三年不厭長蔬苦平生瑰瑋有誰同
要得張侯三日語書闕那自運甓忙時清不用聞鷄舞
栢榮歡喜見車馬書冊辛勤立門戶要當食肉似班超
猛虎何嘗窺案俎

早春

黃金軟軟滿垂楊
自有春寒到畫堂
酒力漸銷歌扇怯

入簾飛雪帶梅香

赴杭倅至汴上作

俯仰觚稜十載間
扁舟江海得身閑
平生孤負僧牀睡
准擬如今處處還

無題

掃地燒香閉閤眠
簟紋如水帳如煙
安來夢覺知何處
挂起西窻浪接天

蘇子瞻記江南所題詩本不全余嘗見之記其五

絕今以補子瞻之遺

東坡跋并三絕見正集第十卷擬織錦詩注下

其一

秦卷後集二

紅窻小泣低聲怨
永夕春風斗帳空
中酒落花飛絮亂
曉眼烏啼破夢匆匆

其二

晞草露如郎倅薄
亂花飛似妾情多
歸鴻處處彈珠淚
語鶯聞時斂翠蛾

其三

琴絃斷續愁兼恨
嶺水分流西復東
深院小扉紅日落
繡牕閑倚更誰同

其四

來橫露色天沉水
鳥宿寒枝竹瑣煙
金菴菴香清夜半

淚凝殘燭畫堂前

其五

寒信霜風似葉黃
冷燈殘月照空林
看君記佩傳文錦
字字愁縈惹斷腸

淮海後集卷第二

淮海後集卷第三

詩

秦觀少游

次韻孔彥常舍人曝書

上帝圖書府傳觀詔特容嘉賓蒼龍佩玉盛饌紫駟峯散
帙牙籤亂開函錦襲重君美如可請願備北堂供

次韻華老

妙齡隨計日紺髮度關年較藝先豪俊飛聲動眇綿祕
書窺甲乙密室詣溫宣已叶半千運仍親尺五天御香
春晚炷宮蠟夜深燃漢殿螭頭筆岐藩幕下蓮孔鸞人
共貴蘭蕙世皆憐附尾方瞳若提刀獨嚮然皂囊封細

秦觀後集三

七

札青簡續遺編壁府深難造龍媒雋莫先大農參奏計
宗伯與興賢王鉉行真即金甌忽浪傳兩輪若上駕百
丈剡中牽荏苒馮唐老淹回賈傳還星霜俄九換金竹
遽三遷鼓吹吳雲外旌旛楚水壩經綸殊未倦憂患復
相連惡草空搖毒群蝸謾污涎松筠終不易雨露竟無
偏憔悴千株橘荒涼二頃田幾書借船帖屢屢廣絕交篇
禪譽推龐蘊親評主閱騫懶因閑處極樂向靜中全歲
月黃塵裏鷺花白髮前冰臺清照底玉海湛無邊身世
猶飛隼功名眇蛭蟬蕉心難固待楮葉謾勞鑄佇續清
都夢還隨濁世綠泉虬淹已久風翻去應便預想朝元

處籍自裕立萬仙

送陳太初道錄

先生簪紱後世系本綿瓜
駐馬生枯骨回車濟病地
帶雲眠酒市和月醉漁家
落日千山路西風一枕霞
幾年流俗笑一旦五侯誇
甚惜春深日琴憎雨後蛙
背因書字曲髮為注經
華地轉東淮水天回北斗
車新宮黃道近舊隱白雲
遐顧我身多累逢君意謾
誇空提方士劍未上客星
槎何日同歸去重飛九轉
砂

贈蘇子瞻

嘆息蘇子瞻聲名絕後先
衣冠傳盛事兄弟固多賢
感慨三百流離路八千直
心羞媚竈忠力欲回天
縲紲終非罪江湖祇自憐
饑寒常併日疾病更連年
明主無終棄西州稍內遷
奏言深意苦感涕人傳前
席須宣室非熊起渭川君
臣悅相遇願上角招篇

次韻安州晚行寄傅師

投暮安州北蒼煙亂眼昏
茅茨人外路砧杵月邊村
野水飛雲薄空林噪雀繁
幾人堪此樂逢客莫輕論

題五柳亭

結構依流水新題五柳亭
登臨有遺味攀折不勝情
隔岸聞聞鼓遶軒舟舫橫

觀寶林塔張燈次胡瑗韻

飛來峯上塔然密奉慈觀互照三
家分輝七寶欄勢
擎金界迴影蘸玉奩寒次第邊烽舉高低祭燭攢虹旌
排陣堞火傘御靈官魏乘珠千顆隋帆錦萬端華敷連
藏海光集匝宮壇問問連青昊熒熒逼翠巒月卿秋孖
思星將夜濡翰繼聽鈞天奏尤知屬和難

還自湯泉十四韻

歲晚倦城郭聯驂度業我天黃雲脚亂村黑鳥翎訛潦
水侵生路晴天落慢坡澄江練不卷温井鑑新磨漁火
分星遠沙鷗散點多霸祠題玉筋龍窟受金波琬琰存

秦卷後集三

三

刊志

吳事兒童記楚歌孤龕瘦居士雙塔盃頭隨飛鼠鳴深
亮胡蜂結巧窠晚參圓白足昏梵禮青螺 馭沉荒楚
仙春沒淺莎杖藜從莫逆談笑入無何滲澹日連霧蕭
騷風轉阿華清俄夢斷回首失煙蘿

辨才法師嘗以詩見寄繼聞示寂追次其韻

遙聞隻履去脩然詩翰纔收數月前江海盃頭人滅度
亂山深處塔孤圓憶登夜閣天連鴈同看秋崖月破煙
尚有衆生未成佛肯超欲界入諸禪

次韻公關州宅月夜偶成

其一

新秋過雨月如霜，緩足蓬萊徹上方。
翠木玲瓏藏寶象，白煙濃淡鎖華堂。
書名越艷誰興發，角動單于自感傷。
山似卧龍天似水，却疑身在海中央。

其二

寮堯千重雨後涼，月含秋色上東方。
風催絡紆歸金井，月轉檀欒蔭畫堂。
游目騁懷佳興發，感時撫事壯心傷。
歸來枕簟清無夢，卧看明星到未央。

次韻公闢即席呈太虛

與君鄰並共煙霞，乘興時時過我家。
更漏一新一聞曉，角門闌數級看秋花。
湖山對值全如買，風月相期不用賒。
賴有醉毫吟更苦，他年分作句圖誇。

秦卷後集三

四

外志

次韻公闢將受代書蓬萊閣

城連湖岸水爲關，旦暮樵風自往還。
龜負寶林新佛地，龍蟠使宅老仙山。
平生仕宦今何得，終日登臨獨未閑。
歲滿徘徊難遽別，就中瀟灑異人間。

次韻公闢聞角有感

一聽胡笳動越吟，聲地底氣逾深。
千官月色單于曲，萬里天光魏闕心。
秉燭何人猶把盞，挑燈有女正穿針。
早寒時節黃昏後，更逐西風應遠砧。

寄公闢

憶昔都門手一攜，春禽初向芘蘿啼。夢回金殿風光別，吟到銀河月影低。舞急錦腰迎十八，酒醒玉盞照東西。何時得遂扁舟去，邂逅從君訪剡溪。

呈公關

東歸行路歎賢哉，碧落新除龍上才。白傅林塘隨畫去，吳山花鳥入詩來。唱酬自有微之在，談笑應容逸少陪。除此兩翁相見外，不知三徑爲誰開。

奉和辛老

童子何知幸最深，父班籍湜奉登臨。挾經屢造芝蘭室，揮麈常聆金玉音。黃卷香焚春晚晚，絳紗人散夜蕭森。明朝只恐絲綸下，回首青雲萬里心。

中秋口號

并引一云雲山閣白語

伏以四難并得，既爲尊俎之佳期。五福具膺，實號搢紳之盛事。矧中秋之屆候，且公燕之交歡。恭惟判府大資，身遇聖神家傳將相時，應半千之運論歸尺五之天姓。名久在於金甌，方面暫分於玉節。浮塔飛閣，引南國之佳人。豪竹哀絲，奏西園之清夜。

雲山簷楹接低空，公宴初開氣鬱葱。照海旌旛秋色裏，激天鼓吹月明中。香槽旋滴珠千顆，歌扇驚圍玉一叢。二十四橋人望處，台星正在鎮寒宮。

致政通議口號 并引一作秋燕口號

竊以五福具膺實搢紳之盛事四難并得亦尊俎之佳
期恭惟致政通議馬鶴英姿鼎槐葉胄身見六朝之盛
位登兩省之崇北陌東阡時命青牛之駕左圖右史日
從赤松之遊判府左丞神嶽殊鍾星躔異稟方面雖分
於玉節姓名已覆於金甌舉白飛觴極水陸四方之饌
彈絲擊石盡賓主一時之歡

秋空畫隼照新晴符隱庵前小隊停玉罍金醪通繾綣
鳳笙龍管入青冥靚粧醞酒花侵席寶獸呀香霧滿庭
太史應占豫州分上台星近老人星

口號

秦卷後集三

六

田新

美酒忘憂之物流光過隙之駒不稱人心十事常居八
九得開口笑一月亦無二三莫思身外無窮且賭尊前
見在功名富貴何異楚人之弓城郭人民問取遼東之
鶴付與香鈿蓋鼓盡歡美景良辰欲奏長謠聊陳短韻
平原居士今無影鸚鵡空洲誰舉杯猶有漁陽搥搥鼓
爲君醉後作輕雷

悼王子開五首

其一

我昔官房子長懷忠穆賢里無行馬第山有卧牛阡當

代三公後惟君五福全
桐棺遠歸柩追舊幾潸然

其二

早爾金閨彥頎然玉筍班
周旋三友益零落十年間
輓靈輶動悠揚素旆還
暮年還抱愛應辦追攀

其三

蕭散竹林風平生約略同
官班嵇叔夜生輩晉安豐
民詠濡須政朝推胸臆功
九原無復作埋玉恨何窮

其四

南浦維舟訪東堂抵榻眠
後期猶指日輕別遂終天
墨妙今初貴詩名久已傳
清風如未墜諸子更翩翩

其五

已矣知無憾賢愚共此途
白駒馳白日黃髮掩黃壚
和氏終歸趙干將不葬吳
擊病如可彊猶擬莫生芻

淮海後集卷第三

淮海後集卷第四詩

秦觀 少游

秋興九首

擬韓退之

逍遙北窻下百事遠客慮無端葉間蟬催促時節去愁
起如亂絲縈纏不知緒日月豈得已還復役朝暮人生
均有得悲歎我不悟春愁自天時感憤亦真趣

擬孟郊

曉風有暴信暮蟬無好聲曉風與暮蟬自與時節爭獨
客辭故鄉推車謁梁城梁城道迢迢區區役吾生不如

秦卷後集四

歸舊山藜藿安性情

擬韋應物

坐投林下石秋聲出疎林林間鳥驚棲豈獨傷客心物
亦有代謝此理共古今鄰父縮新醅林下邀同斟癡兒
踏吳歌姪姍足訛音日落相攜手涼風快虛襟

擬李賀

魚鱗斃空排嫩碧露挂梢寒挂團壁白蘋風起吹北窻
尺鯉沉沒斷消息燕子將鷁欲歸去沈郎病骨驚遲暮
濃愁茫茫寄何處萬里江南芳草路

擬李白

芙蓉露濃紅壓枝幽禽感秋花畔啼玉人一去未回馬
梁邊燕子三見歸江頭白蘋老波底尺書不來空相望
斜吹疎雨濕秋江霜風暗引芙蓉香石上菖蒲三尺長
綠頭鴨兒棲萍草採蓮女郎笑花老木蘭船上動江水
不覺鴛鴦帶波起

擬玉川子

南州有病客起卧北窓下玉兔銜光照清夜故人別我
京洛遊不寄一行三改秋秋色變冷客裘薄漸覺衣袂
寒颼颼作詩欲寄君未語先有愁不如呼童起危坐北
窓下一杯寬我千日憂眼前俗事何擾擾此夕盡向杯

秦卷後集四

中休何必懷黃金印兮爵通侯

擬杜子美

紫領寬袍漉酒巾江頭蕭散作閑人悲風有意催林葉
落日無情下水濱車馬憧憧諸道路市朝衮衮共埃塵
覓錢稚子啼紅頰不信山翁篋笥貧

擬杜牧之

鼓鼙夜戰北窓風霜葉鋪堦疊亂紅一段新愁驚枕上
幾聲悲鶻落雲中眼前時節看馳馬日下雲濤斷斷蓬
弟妹別來勞夢寐杳無消息過江東

擬白樂天

因霜葉辭林去的當山翁未覺秋北里酒錢煩屢索
南州詩債懶頻酬欲歌金縷着紅粉擬插黃花避白頭
底事登臨好時節等閑收拾許多愁

金山晚眺

西津江口月初弦水氣昏昏上接天清渚白沙茫不辨
只應燈火是漁船

病中

疎簾薄幔對青燈鸚鵡喧喧自轉更風雨渺漫人卧病
地爐湯鼎更悲鳴

聞鴈懷邵仲恭

秦表後集卷四

三

楚澤吳天去未遲煩君且傍蒜山飛白袍居士如相問
爲說潛塵欲滿衣

冬蚊

蚤萬蜂虫罪一倫未如蚊子重堪嗔萬枝黃落風如射
猶自傳呼欲噬人

文忠公云蚊子最可惜
真是先要喝後來咬人

白馬寺晚泊

濛濛晚雨暗回塘遠樹依微下辨行人物漸稀踈磬斷
綠蒲叢底宿鴛鴦

雪上感懷

七年三過白蘋洲長與諸豪載酒游舊事欲尋無處問

雨荷風蓼不勝秋

和程給事贈虞道判六首

其一

刁圭雲母具晨霞
門對三層步上壇
夜考鶴經分七九
曉占歲氣辨艸丹

其二

火棗交梨近可食
不須地肺及天壇
龜藏坎海毛皆綠
鳳宿鶉宮色自丹

其三

紫府沉沉掩夜闌
竹陰清掃月中壇
歲星偷得桃枝碧

秦卷後集四

四

董奉栽成李子丹

其四

囊中玉色已經食
醉拂絲桐坐杏壇
應笑倦游塵滓客
鬢毛蕭瑟事鉛丹

其五

漢武遊心縹緲間
文成五利盡登壇
何如屈曲韓夫子
不羨神君白玉丹

其六

使君本住道家山
時訪元都太古壇
陰惠已能追許令
治功不獨過韋丹

邠州閑題

清酒一盃甜似蜜美人雙鬢黑如鴉
莫誇春色欺秋色未信桃花勝菊花

春詞絕句五首

其一

蒲萄裊暖蕙薰微紅日窺軒
睡覺時人倦披衣雙燕出
青絲披鬢木蘭枝

其二

弱雲亭午弄春嬌高柳無風翠
條懶讀夜書搔短髮
隔垣時聽賣餠蕭

秦卷後集四

五

其三

都城春富百花披長憶人歸
紅馬時淺色御黃應好在
爲誰還發去年枝

其四

風驅白雨洗園林蔽地飛花
一寸深狂紫浪紅俱已矣
老春雖在亦何心

其五

顛毛漸脫風情少匣劍空存
俠氣銷人遠地偏無酒肉
春深花鳥謾相撩

秋詞二首

其一

雲惹低空不更飛
班班紅葉似
辭枝秋光未老仍微暖
恰似梅花結子時

其二

無數青莎繞玉階
夕陽紅淺
一牆來西風莫道無情思
未放芙蓉取次開

齊逸亭

酸發郎君更不歸
故亭蕭瑟
天當時玉笙金管渾如夢
只有梅花三四枝

春日

春景後集四

六

殘臘渺茫雲外日
新春彷彿
雪中來雪霜便覺都無力
只見桃花次第開

雪中寄丹元子

陰風一夜攪青冥
風定紛紛
片零想見玉清真境上
白虛光裏誦黃庭

宿乾明方丈

漫天白雪無端現
佛室夜艾烏
更啼相逢解頰足自慰
勿語俗子念心攜

新開湖送孫誠之有韻

狂客走影暗悠悠
菡萏自吹風
元于東北因成絕句
心秋黃綬不為無氣槩

蒼龍垂尾送行舟

呈李公擇

青篋擘處銀鈎斷
紅袂分時玉筯懸
雲脚漸收風色緊
半規斜日射歸船

落日馬上

日落荒阡白霧深
紫騮嘶顧出疎林
回頭已失來時路
杳杳金盤墮翠岑

次韻參寥三首

其一

武陵漁子入花源
但見秦人不得仙
會有黃鸝鳴翠柳

秦卷後集四

七

何妨白眼望青天

其二

長安仕路與雲齊
倦僕羸驂不可躋
但得玄暉曾折簡
何須平子更安題

其三

且折花枝醉復醒
人間時節易崢嶸
屠龍肯自羞無用
畫虎從人笑不成

和書天慶觀賀秘監堂三首

其一

老仙舊地枕東城
古木參天警畫聲
我亦願爲方外友

風流何必並時生

其二

史君平昔慕玄清一到祠堂意一新戶外黃冠應指點
公應便是謫仙人

其三

衣履蕭蕭條氣久清豪家門館未嘗行朱甍碧瓦何從得
疑有陰兵夜助成

和書觀妙庵

龍瑞宮中種玉人誅茅結室傍秋雲自言洞裏山川別
此處千分未一分

早春題僧舍

東園紫梅初破蕾北澗綠水方通流歸去一春花月夢
定應多在此中游

盆池釣翁

誰刻仙材作釣翁尺池終日釣微風令人却憶鷓鴣子
散髮五湖狂醉中

賞酴醿有感

春來百物不入眼唯見此花堪斷腸借問斷腸緣底事
羅衣曾似此花香

淮海後集卷第四

淮海後集卷第五

雜文

秦觀 少游

代蘄州守謝上表

愚罪著明當以萬死聖恩寬大尚假一麾顧惟昧冒之深第積戰兢之至伏念臣不學無術寡偶少徒荷先帝之誤知繇常負而擢用始欲悉力而舉職莫知長慮以佐時自取悔尤至煩揮黜責其妄作便可屏之遠方憫其知非猶當投於散地敢圖生死而肉骨尚容宣化以承流況臣粵自去冬嘗陳愚懇願歸使節求綰郡章雖此左遷正符宿願恩旣深而逾望感亦極而難言此蓋伏遇皇帝陛下大德海涵至仁天覆謂災眚之可赦以過失爲當憐寬其未棄之誅開以自新之路辨之不早嗟已迫於桑榆來者可追幸未填於溝壑誓捐軀幹上報恩私

代程給事乞祝聖表

州管內舊有應天寺者造於宋元徽中其地據寶林山巔南直秦望北負卧龍戢山挾其左鑑水趨其前園視井邑如闕圖畫越之形勝十得六七比於熙寧二十年八月遇火金石土木之觀一夕殆盡樓觀宮室化爲丘墟父老過之徜徉悼歎若失所依憑者因相率詣州自

陳願以私錢修復故寺本州尋具其事上聞仍乞易爲
一方家朝廷報可賜號寶林禪院於是郡之衣冠縑素
無不悅豫鼓舞以謀報上因大出力財爭先請奮浮圖
棟宇次第告成曾未踰年已復舊觀蓋所據之地勝故
興也易所遭之時盛故成也速不然何以至是哉謹按
寶林禪院其地本名龜山前世文士見於篇章上有鰻
井穴旱禱雨輒應臣等竊以爲龜神物也有先事之智
而壽踰千歲鰻龍類也有施澤之仁而功被萬物位正
南方與時相見勢出人境足以有臨稽之於名効之於
物參之於方位考之於形勢而酌之於民情理從事順
實宜永爲頌祝陛下聖壽之地臣等自今後每遇同天
節只於本院啓建道場及禱祠雨澤吉祥齋供其餘官
中道場並不令於本院啓建夫下達士民之願上報君
父之恩臣子之職也臣等荷國厚恩無以荅生成之萬
一庶幾因緣塔廟少伸犬馬之誠仰瞻闕庭不勝大願
伏望聖慈特賜俞允

坤成節功德文疏

寶曆開祥爰屬補天之運金行御氣適當夢帝之期窮
詣精廬妙修勝會致上方香積之飯闕西土貝多之文
庶憑調御之緣少効華封之祝太皇太后伏願睿圖業

固宸華增隆日月無私永照臨於下土風雲不間長威
會於中天

代荅范相公啓 堯夫

器兼文武道備天人始列周行綽有棟梁之器及參大
政鬱爲社稷之臣果振家聲遂當國相昔韋平嗣興於
西漢袁楊繼起於東京張公錫延賞之名陸氏取象先
之意雖云華族未必熙朝然猶前史以爲美談當世謂
之榮事固未有百年遇太平之運四世膺爰立之求以
今言之一何盛也某夙登門叨嘗頌履容念班謁以無
由第承風而竊抃

秦卷後集五

三

列三

賀孫中丞啓 和甫

光奉明恩進陞中憲伏惟慶慰恭惟中丞侍郎受天間
氣爲世真儒力足以扶顛持危器足以致遠任重巍然
如衣服之有冠冕卓爾若鳥魚之有鳳鯉三朝充諫諍
之官奮身不顧七郡任蕃宣之寄爲民所思動靜不失
其時遜逆必求諸道比支物望簡在上心粵自貳鄉遂
登執法嚴霜被野旣知松柏之後凋猛獸居山將見藜
藿之不采某叨拘符節久遠門闌

賀吏部傅侍郎啓

光膺帝命進貳天官 云云某官道術淵微器猷宏博更

而美而不測其操踐中外而不易其心漢節初歸常折
董宏之妄楚郊卧治尤推汲黯之忠方傳報政之成已
聽除書之下亟辭右輔復踐中臺邦人遮轍以願留朝
士舉酒而相賀吏曹三綜既知水監之無私王體一謀
當見鈞衡之益重某屬驅輶傳阻造門闌

代何提舉賀范樞密啓

光膺睿命進貳中樞碩輔登崇溥天均慶竊以天運無
積蓋由八柱之仰成歲功不虧亦自四時而分治矧媯
皇補天之際當商老和羹之初儻非心德之素同難冀
事功之必立伏惟某官器兼文武學備天人雖小善而

必為臨大節而不奪入心臺省者聞折檻之風外撓戎
機寔罷爭桑之釁負謗傷而精神益勵處閑散而聞望
愈隆逮神聖之纂臨屬風雲之感會念昔仁祖虛懷於
慶曆之間惟時先公奏對於天章之下謂道可行於反
掌而世亦至於容刃盛世難逢事空傳於故老嗣賢復
出天實慰於斯民既被召以旋歸遂干霄而直上千尋
廣廈欣然慰多士之心萬里長城足以制四夷之命某
夙登門仞久曠書牋方從沙汰之餘未卜棲翔之所側
聞進拜倍切驩愉巖石雖瞻尚鬱搢紳之論袞衣遂有
方麟區夏之情

賀門下呂僕射啓 微仲

伏審光奉明恩進陞左輔伏惟慶慰恭以某官當世大
儒斯民先覺毀譽莫爲之損益窮通靡得而變渝北斗
如高山深林人何可測巨源若渾金璞玉器孰能名卓
乎在搢紳之中屹然有公輔之望果踐西臺之峻遂躋
縹緲之崇邱音喧騰士類交慶納忠有素詎領德裕之
六歲應變無方不止姚崇之十事

謝潁州呂吏部啓

叨奉宸恩謬當藩郡境預四鄰之末潤霑九里之餘憑
几占書未進河南之牘采雲號體俄蒙郇國之函仰荷
三十一
謙沖退增悚愧恭以某官器周事變學造淵微出四世
五公之門遇千載一時之運文辭則操觚立就政事則
投刃皆虛荀氏八龍盡繼高陽之美河東三鳳尤推鸞
鷲之奇會公旦之相周俾伯禽而侯魯布宣詔今已成
師帥之功近省君親行陟股肱之任某承風茲久覲德
未遑企頌之懷敷宣罔旣

荅丁彥良書

某啓辱書及詩備悉雅旨且承邇來爲况甚休以感以
慰竊味詩之大意率多辛酸耿愴之旨君生長僚當貴
而喜作寒士語何耶因知詩非能窮人時窮然後工得

非政欲以此合古人語乎兼審薄挂吏議小累一不足以
遠猷毋甚快快也知罷官里問慕義嗜學是所以增
其志尚爾白玉微瑕千丈松礫石不害他日爲大器跡
地之士自有御之者幸順時自愛區區不宣某再拜

與許州范相公

某再拜安撫相公閣下某淮海一介之士行能無取比
因緣科第獲列仕版又屬朝廷復置賢科而一二邇臣
復以充賦名實乖戾果致多言相公當國憐其孤單不
即聞罷使得自便引疾而歸僥倖深矣比遇相公均逸
藩輔而某承乏之地實在節制之下疵賤無介紹不敢

秦宋後集五

六

田新

以書自通眷眷私懷何以去喻豈圖相公過有採聽首
賜論薦使備著述之科檄書初至發函伏讀且喜且懼
蓋相公於某昔既有保全之賜今有論薦之恩顧惟狂
愚何以辱此屬拘官守不獲進謝門闌又不敢具啓事
以敘悃悞區區俗禮非國士所以報知己者也惟相公
裁察

祭監稅主簿文

維年月日具銜姓名謹以清酌庶羞之奠致祭于歿故
監稅主簿之靈嗚呼賢才懿德宜顯周行以君德厚宜
享壽康仕旣未達人其去亡顧天理之莫究茲僚友之

永傷嗚呼西風蕭颯長夜淒涼靈車戒道丹旄飛揚有
聲在俎有酒盈觴臨岐伸奠歸安故鄉尚饗

淮海後集卷第五



淮海後集五

十



蘇軾詩集卷第五
維年月日具銜姓名謹以清酌庶羞之奠致祭于靈柩
暨其歸而酌盈繼絕如申奠醴安姑飛尚饗
未封歎也西風蕭颯身外事亦靈車飛前丹旄飛揚有



